

欽定科場條例

欽定科場條例卷三十六

編列坐號

現行事例

一士子編列坐號。至公堂承辦各官。先查明號座若干。再將號戳照號座數目點明。通行撓撓。交四所官分手戳印。監臨知貢舉監試提調。同防範。不得假手吏胥。致滋買囑聯號之弊。除官生及順天鄉試宗室八旗士子。俱另編坐號。

外其餘各號如有錯誤重複另行戳印者提調
彙爲一處告知監臨知貢舉登記號簿並於卷
面加鈐提調印記以杜弊混儻交卷之時止有
重戳改戳而不鈐提調印記者卽行貼出究辦
現在順天鄉試及會試均
係鈐蓋監臨知貢舉關防

一四所官戳印坐號時將號戳用繩連珠穿起
每四十號戳爲一串仍立號簿按依各生名次
編列將試卷亦分四十本爲一束先照號簿名
次同試卷逐一覈對隨手拈取號戳一串於號

簿及卷面印用其未經投卷者即於簿內本生名下戳印未投卷三字並於簿面上填註該所官銜名以備查覈。

一場中坐號預先約計通場人數每號戳至若干號爲止將尾末餘號不准攙用。

一編列坐號監試等官假手吏胥以致中式之人查出聯號等弊審實將不行查出之監臨提調監試照容隱例議處如通同作弊受賄者交刑部計贓治罪。

一千字文內。如天元帝皇等字。及亞聖孟子名。數目字。並荒弔等不佳字樣。俱不得編列坐號。一士子歸號後。監臨知貢舉監試提調等官。分段清查。並將某號係某員查看。登記號簿。以專責成。

一湖南田字卷苗生。與邊字卷漢文生。隔別另編坐號。以杜弊混。

例案

順治十六年議准。場中坐次編號。令監試提調

公同四所官屏去書吏親行檢理信手編印以絕弊端。

康熙三十年奉

上諭八旗號房著與漢人分編字號另坐欽此。

康熙五十一年定八旗民字號及滿洲漢官字號。號房不拘定某字號。臨時抽出分別編坐。雍正元年覆准中式之人如有聯號等弊審實將不行查出之監臨提調監試照容隱例降二級調用。外簾各所官照溺職例革職如通同作

金匱要略卷三十一
三
弊受賄者。交刑部計贓治罪。

乾隆二十八年議准。聯號換卷傳遞。

等弊。所官不能查出。照溺職例革職。未免過重。應照失於查察例。減為降一級留任。乾隆五十四年。順天鄉試萬治庭等聯號作弊。仍將戳印官照例革職。

乾隆三十年奉。

上諭。本年順天鄉試屆期。場中印用坐號。著提調監試等。按例親身詳慎辦理。勿僅虛應故事。仍假手吏胥。致滋奸弊。欽此。

又議覆御史素爾訥奏稱。士子入號舍之日。卽行分入號舍。各嚴行稽查完畢。將號舍柵欄。

封令副都統同巡捕三營武職官員不時稽查。至次日出題之後。俾其入號稽查。俾士子得暇作文等語。查場中封號後逐號查對。原以杜越號聯號之弊。該御史慮及出題之後。入號稽查有誤。伊等作文請於入號之日。卽行稽查。亦屬體恤士子之意。但號舍柵欄必俟人齊始能封固。應俟士子盡皆入場。就此片刻之中。分頭查辦。全在監試官員臨時酌量辦理。

乾隆五十二年。大學士九卿奏准。闈中號戳應

令知貢舉監臨會同提調監試等官將號戳通行攙攙眼同外簾各員分手戳印不得假手吏胥致滋買囑聯號之弊。間有因字跡不清重加改戳者。舞弊之徒每於接卷後私用紫筆描改模糊捏稱重戳改戳希圖混號聯坐一時無從指破。應請令知貢舉監臨預飭承辦號戳之員詳細檢查如有號戳年久字跡模糊者另行刊刻清楚。至戳印時如有錯誤重複另行戳印者卽令提調彙爲一處告知知貢舉監臨登記號

簿並於卷面加鈐提調印記以爲辨別

之時止有重職改戳而不鈐提調印者則行

貼出

現在順天鄉試及會試均係鈐蓋監臨知貢舉關防

又奏准場中坐號預計通場人數每號戳至若

干號爲止將尾末餘號不准攙用並責成監試

提調等官於封門後分頭親查坐號令士子全

坐號內按照年貌逐一覈對毋許借端出號往

來行走

乾隆五十四年奉

下論。注如洋奏各屬科試情形摺內。有東帝二童生錢汝宣。供出高鳳鳴越號求倩等語。東帝二字。自係東文場帝字坐號。然此等字面。不宜編列號房名目。該學政何不檢點若此。各省考試。文場東西坐號。向例以千字文編排。相沿已久。如京師止用天地黃字等字。而應避之字。向不列入。外省恐皆一律編寫。殊失敬讓之道。但坐號有限。而千字文內字面甚多。備足敷用。豈可將帝皇等字編列。卽以天元等字排入座號。均非所以昭祇敬。嗣後京師貢院。以及各省考

棚所有天元帝皇等字樣俱不得橫行編列將此通諭知之欽此

又大學士公阿桂等議准戶科給事中馮應榴奏稱卷面戳記本有數目可稽恐胥吏每先偷藏號戳數個以爲聯號地步請嗣後令印戳各員先將號印點查齊全共記若干方纔勾取用畢時將餘剩某號若干造冊同原戳封交監臨監試收貯以備查覈等語查號戳之數原視號坐之多寡爲憑先查明若干號座卽應用者

千號戳至公堂承辦各官應先查明號座若干
再將號戳照號座數目點明攙合一處交四所
官親行戳印監臨知貢舉監試提調眼同防範
立一號簿將卷面所用之某字某號戳印號簿
以防抽換恐仍有不肖吏胥因該所官印打鈐
繁之時乘其不備將聯號卷子預先抽過偷打
戳印請嗣後應令四所官於印打號戳時將號
戳用繩聯珠穿起每四十號戳爲一串仍立號
簿按依各生名次編列將卷分四十本爲一束

先行按照號簿名次同試卷逐一覈對。隨手拈取號戳一串。於卷簿及卷面印用。其未經投卷者。卽於簿內本生名下。用未投卷三字戳子印上。三場俱照此辦理。並於簿面上填註該所官姓名。其號簿交散卷官於點名時。此照試卷所戳之號。是否與號簿相符。如有不符。立即查究。并令受卷官於試卷交齊後。按定省分。提收號簿。再行悉心比對。以杜弊端。又奏稱。士子入闈後。原派員查看卷面。押令歸號。但作奸之輩。彼

此預先約會。每乘紛紛點進。稽察難週時。混入別號空舍。賄囑號軍。不令舉發。致得代情作弊。請嗣後令監臨知貢舉監試提調。於士子歸號後。將坐號分段清查。並將某號係某員查過之處。登記號簿。以專責成等語。查向例。每場士子入闈時。卽令全行歸號。封門後。監臨知貢舉監試提調等官。逐號嚴查。以杜亂號之弊。但恐號數太多。該員等公同稽察。一時難徧。往往有遺漏之處。以致士子亂號。無從指出。應如該給事

中所奏。嗣後該員等於清查號會時分段親往。
將某號係某員查看登記號簿。倘有亂號等弊。
卽將某號原查官叅處。

嘉慶十六年奉

上諭。禮部議駁吳椿奏請老生另編字號。並添號軍等
一摺。官生向例另設中額。老生自未便引以爲例。號
軍本有定額。不應遽議增添。人多轉恐滋弊。至老年
筋力就衰。必令等候士子全行入場後始准點進。殊
非體恤之道。嗣後派出王大臣於點名時。毋許士子

擁擠卽年老諸生中亦勿致自相撓越。務飭員役等妥爲扶掖。以示體恤。欽此。

道光八年准山東巡撫咨據監試稟稱。士子編列坐號。如有重複例於卷面鈐用提調印記。另換號戳。八月初八日頭場點進士子。封門後天色已晚。有士子唐咸和等八人坐號重複。卽用監試關防鈐蓋。並因號戳先已撓攪。餘剩空號。又須留爲號軍棲宿。只得查出點名不到卷內坐號。用紫筆填寫。各令歸號。誠恐中卷解部經

磨勘官指出有干查詰據實容請查照查山東省鄉試頭場經監試官查明有唐咸和等八人坐號重複所有經管用印官職名應照例查取咨送吏部辦理

道光十三年議覆御史常大淳奏湖南田字卷苗生與邊字卷漢文生同坐一號舍每易滋代倩槍替情弊請隔別號舍之處係爲防弊起見應如所請嗣後湖南鄉試由該省巡撫查察場屋情形將邊字號與田字號各生隔別另編坐

號以杜弊混。

附載舊例

嘉慶十八年議准。各省駐防生監。於本省鄉試。編列旗字號。另額取中。於入場時。照依順天鄉試之例。另編坐號。毋令與民籍士子。互相攙混。

附載駁案

雍正六年。會覆山東濟寧州生員陳堙奏稱。官生不宜另入號房考試等語。查官生額數有定。彼此較量優劣。卽年家戚好。亦無不各顧功名。決不肯指示他人。轉礙自己進身之路。若將官生編入民號。則官卷民卷額數。彼此不相妨礙。恐有不肖舉子。希圖結交。擅紳或暗中受賄。反滋倩作代筆之弊。應將所奏官生編入民號之處。毋庸議。

道光十七年。該覆御史萬超條奏。每屆鄉試之年。由捐納貢監加捐京職各生。照官卷士子入場分號之例。另歸一號。其應試諸生。不得同坐一號。聯號之弊自除。卽槍替代倩等弊。稽察易周等語。查聯號之弊。實在外簾。槍替之弊。實在外場。全賴承辦之員。稽察嚴密。不必另歸一號。方可杜絕弊端。至鄉試舞弊。不皆捐納職官。若因其身係捐納。特加防範。查南北中皿各士子。由捐納貢監應試者。每科不下千餘人。勢不能同歸一號。且章程一定。則同號各生。場前可以周知。於防弊之法。轉行疎漏。所奏應毋庸議。

坐號

號軍

現行事例

一鄉會試應用號軍由承辦衙門行文該管官務選正軍不得任其頂冒該管官將號軍面用印記預造簡明冊檔送提調先期點驗入場每十名內以一人爲號頭均在號舍供役儻有代作傳遞等弊事發將該管官治罪

一順天鄉試用號軍一千名會試用號軍七百

名如僱覓不堪應用之人濫行充數者承辦官
叅處。

一號軍於初七日點進。卽於號舍內歇宿。俟三
場完畢令其出場。

例案

康熙五十三年定。代作傳遞等弊。每多頂冒號
軍入場。易於作奸。應移咨提督衙門。嚴飭該管
官員務選正軍。每十名內以一人爲號頭。將號
軍面用印記。預造簡明冊送該管處。如違事

發將該管官治罪。

雍正七年議准號軍點進之後卽於貢院內歇宿俟三場旣畢令其出場。

嘉慶二十二年議奏御史周鳴鑾條陳鄉會兩科號軍水夫請嚴飭各營於正軍內擇選面用印記造冊派員押送甌門御史搜檢再交監試提調在龍門內按冊點驗及東西文場水夫每處應各備壯健者三十名於題目未出之前督令趕緊添注滿足散題紙後卽將柵欄封固不

准運水各等語。查原奏所稱。慎選號軍。面用印記。各項均係科場例載。現行之事。第恐日久廢弛。應請申明舊章。責成該管官。實力稽查。至東西文場。祇有兩井。號口水缸。每號僅容二隻。厯屆順天府冊送水夫三十餘名。聽用鄉會試士子。未經點名。及點進封號。未散題紙之前。監試提調等。嚴督管水委官。令其上緊灌滿。應用至每場次日。向例兼煮粥飯。分給士子。而煮飯鍋竈。卽安放東西兩柵欄之內。火夫人衆。常川出

入供役亦勢所難禁。是散題紙後。東西柵欄。不能卽行封固。卽多備水夫。亦屬無用。至水夫傳遞諸弊。夜間較難查察。應請嗣後。每場運水。俱在日間。不得於黑夜運水往來。以杜弊竇。

道光十二年。議覆御史梁萼涵另片奏稱。考試應用號軍。不宜短數等語。查號軍一項。係場內供役之人。自宜照數入場。應請嗣後。由該管官查照應用人數。務選正軍。不得任其頂冒。並造具簡明冊檔。送監試御史點驗入場。如人數短

少將該管官叅處。

欽定科場條例卷三十七

外簾所官

受卷所

現行事例

一受卷官收卷後於舉卷面戳印經管官一員
銜名每十卷卽用紙包裹固封送彌封所剩有
書餘亦卽封鎖如法收卷時給發照出籤到龍
門點籤稽察籤完必繳

一受卷官將試卷與提調等官先行翻閱在京

許監試御史外省許監臨指名題彙將受卷官
并提調等官照考官私訪聚談例議處倘有指
示改正等弊將收卷官并提調官照場中添改
例議處如監試御史監臨官隱匿疎漏不行題
彙別經發覺應照場中目擊情弊容隱不行題
彙例議處

一受卷官於士子交卷時親自收受查照違式
本例遇有應貼之卷呈明知貢舉監臨貼出仍
記明檔案以備查對如不貼不貼俾違中試

等衙勘官指出將受卷官限外放卷察例議處
奉文應貼而貼出者同

一受卷書吏在京由監臨知事舉於各州縣勝
數內遞充在外實成附省州縣選撥勤慎書手
共十四名造具年貌籍貫清冊送該提調官臨
期送受卷所令本所官細心督察倘有污損等
弊重責枷示其有竊掠撓換迷失等弊卽行交
送治罪如該所官不能覺察或扶同不舉者知
貢舉監臨監試提調官一併察明會奏分別議

成該役仍嚴加治罪

一順天鄉試及會試受卷所遺失士子疊卷由
監臨知貢舉奏明。密傳該士子到貢院補行點
寫。磨送內簾。仍將該所官交部察議。

一試卷內填寫添註塗改字數。由闈中按照部
定款式刊刻頒給士子。依式填寫交卷時。受卷
官親手接卷。照數登記簿冊。並於簿面註明受
卷官某人用印。封固榜後。送交磨勘官詳加點
對。

一主于受卷時受卷官吏一手接卷一手發籤
登時查對點名號簿詳細辦理

例案

順治二年定受卷時監臨委官一員坐堂主殿
督受卷官封號入箱委官一員坐門內出必點
籤稽察有卷發籤籤完必緣毋使不完者闕出
務使卷數與人數相合

順治十六年議准受卷各役在外責成附省州
縣巡撫勤慎書手共十四名造年貌籍貫清冊

送該提調官臨期送送受卷所。令本所官細心
督察。倘有汚損等弊。重責枷示。其有竊探搜括
迷失等弊。卽行交送治罪。如該所官不能覺察
或扶同不舉者。知貢舉及監試提調官一併
照會。分別輕重處分。該役仍嚴加治罪。

康熙五十六年覆准。鄉會試墨卷面上。該處
官一員。職名戳記。以便磨勘。

雍正八年覆准。出場除遞式應貼之外。收卷官

同知官舉監並帶出。送彌封。

試卷每十卷收卷官卽用紙包裹封固送彌封所如受卷官將試卷與提調等官先行翻閱在京許監試御史外省許監臨指名題叅將收卷官并提調等官照考官私訪聚談薦卷例各降二級調用倘有指示改正等弊將收卷官并提調官俱照場中添改之例降三級調用如監試御史監臨官隱匿疎漏不行題叅別經發覺照場內目擊情弊容隱不行題叅之例降二級調用

雍正十二年題准。受卷官於交卷時。親自查收。
不完卷者。卽行照例貼出。仍記明檔案。以備查
對。

乾隆五十二年奏准。關中閱卷最重頭場制藝。
如一篇內私易數十字。庸劣之文。便可收觀。應
繫於四書文每篇尾。及試帖詩末句下。旁寫塗
二幾字。添註幾字。關中頒刻式樣。照依開單。倘
有以少雜多。至十字以上。預爲私改地步。及遺
漏違式者。概行貼出。如受卷所應貼。不貼。照膠

錄對讀兩所賦出將受卷三衆正

乾隆五十四年大學士公阿桂等議准給事中
馮應榴奏稱墨卷末寫明添註塗改字數原以
防謄錄代改之弊惟是墨卷中每有先已寫添
註塗改幾字復改寫添註塗改幾字者在本生
改而又改以致添註塗改字數先少後多原所
不禁但不立法查覈難保無謄錄代改情弊請
令士子於每場試卷末篇共寫添註塗改若干
字交卷時收卷官每名照數登記簿冊榜後磨

勘將簿冊一併比對等語。查定例士子於試卷每篇末填寫添注塗改字數。原恐一篇之內所改字數過多。是以必令註明。預防謄錄代改情弊。因向例並未設立簿冊登記。以致謄錄得代爲改寫。掩其改竄文字之弊。是不可不立法查覈。該給事中奏令士子於每場試卷末填寫通共添註塗改若干字。並令收卷官於收卷時登記簿冊。其意蓋以通其填寫。使收卷之人一目了然。便於查覈。但收卷時士子紛紛出場。卷數

多至數千卷。兩日內卽應查齊。送交彌封。其各卷中有訛寫題目。及文內違犯禁例之處。均須逐卷詳覈。受卷官僅有四員。勢難兼顧。應請嗣後受卷官增派四員。令其親手按卷。照數逐一登記。並於簿面註明受卷官某人。以便稽覈。卽於登記完竣後。將簿冊用印。密加封固。於榜後送磨勘官詳加覈對。如有不符。卽將登記簿冊之受卷官傳詢叅究。

又奉

上諭。本日伊齡阿等由五百里馳遞奏摺。朕意必係科場中有緊要事件。及披閱時。乃係受卷所遺失墨卷二本。此等事祇須將該書手等。一面送交刑部審訊。附本報之便。具摺奏聞。何須單發。致勞馳遞。伊齡阿等。何不曉事體至此。所奏遺失南皿張聰賚二場墨卷。中皿李夢金三場墨卷。俱與該生無干。自應令伊補行默寫。一體謄送內簾。其受卷所書手王立。劉萬昌。是否將原卷遺失。抑有別項情弊。著交刑部審明辦理。受卷官習振翎。宋大樽。雖經自行檢舉。究屬疎

忽著交部照例察議欽此。

乾隆五十五年覆准查舊例鄉試受卷書吏俱由監臨在各州縣謄錄內選派其會試應用受卷書吏十四名則在大興宛平二縣書吏內選派今既據順天府咨呈稱該二縣書吏差使繁多向俱倩人代辦其中賢愚不等保無從中滋弊會試受卷書吏請仿照鄉試之例在謄錄內選派等語應如所請准其照鄉試之例由知貢舉大臣在各州縣謄錄內選充供役。

又奏准。覆查試卷填寫添註塗改散總字數。由
閣中繕式刊發。但向無一定程式。是以鄉試解
部各卷。未免參差。現經酌議款式。進

呈發下。後刊刻通行。鄉會試一體遵照。添註塗改
款式。載考

官出
題門。

乾隆五十八年。知貢舉瑚圖禮等奏准。據會試
受卷所七品小京官李夢蛟呈稱。十三日一場
士子交卷時。收納試卷。逐名查驗。因人多擁擠
當卽少卷二本。嗣於各所檢出二本。其浙江來

汝緣一本遍查無著。理合自行檢舉等因。隨將該所受卷書吏當堂傳訊。供稱實係出場人多。一時未能清理。以致試卷遺失。查乾隆五十一年八月鄉試。受卷所遺失南皿二場卷一本。密傳該生默寫。送交至公堂一體。謄送在案。今該所官於二場遺失浙江舉人來汝緣試卷一本。自與本生無干。照例行文禮部。另備試卷。密傳該舉人到貢院補行默寫。謄送內簾。其該所官李夢蛟。雖據自行檢舉。究屬疎忽。應請交部察

議。

嘉慶六年刑部奏准。審擬本年順天鄉試監臨成書等奏。受卷所遺失二三場墨卷三本。查鄉會試交收墨卷。屢有失少。其間經手書吏。污損燬匿。固所不免。而本生止圖完場。恐被貼出貽笑。弊混掣籤匿卷。亦屬情事所有。現今科場照入照出各籤。長不滿二尺。或考具內自挾相似短籤。爲朦混出入地步。一時難於辨認。俱未可定。請嗣後科場照驗出入。務製三尺以上綠頭

籤庶易查驗。仍飭受卷官吏。一手接卷。一手發籤。登時查對。點名號簿。詳細查覈。毋得含混。以專責成。

嘉慶九年奉

旨。舒聘等奏。受卷所遺失第三場北皿北貝字號墨卷二本。請分別查辦等語。所有遺失直隸附學生劉升堂。山西俊秀監生張偉。第三場墨卷二本。自應准令補行默寫。著交順天府。照例卽傳該兩生入場。默寫五策。仍謄送內簾。其受卷所經管書手何秉元等。有

無情弊。著交刑部訊明辦理。受卷官候補主事陳鶴
劉尹衡。雖據自行檢舉。因時值大雨。舉子交卷擁擠。
猝難稽查。究有不合。著交部照例察議。欽此。

嘉慶十三年。會試知貢舉德文周興岱奏。據受
卷所官福祥書庭呈稱。二場試卷。按名查點。當
少直隸省耿明德。四川省陳達維。墨卷各一本。
耿明德三場未到。陳達維仍進三場。其二場試
卷實係遍尋無獲等語。應請將受卷官福祥書
庭照例交部察議。受卷所書吏。送刑部訊明。照

例分別辦理等因奉

旨。受卷官福祥書庭著照例交部察議。其受卷所書吏著送交刑部審訊具奏。欽此。

道光二年奉

旨。長旺等奏本年鄉試第三場遺失試卷。請照例查辦。受卷官禮部主事杜薇之。工部主事顧椿。俱著交部察議。經管書手田盛魏體乾著交刑部訊明有無別項情弊。照例辦理。餘依議。欽此。

道光九年奉

旨鍾昌等奏會試受卷所查驗頭場短少浙江省施紹唐丁海林試卷二本於二場封號後查傳該舉人默寫俱未各歸坐號除將該舉人等照例貼出外受卷官吏部七品京官汪震基雖據自行檢舉究屬疎忽著交都察院察議欽此

道光十五年奉

上諭鄂順安奏請將遺失試卷之受卷官交部察議一摺本年山西鄉試受卷官卽用知縣李景椿試用知縣余正西遺失士子三場試卷二本經該撫密傳各

該生補行默寫。謄送。雖據該員等自行檢舉。究屬疎忽。李景椿余正酉俱著交部察議。欽此。

附載舊例

乾隆五十三年奉

上諭。據伊齡阿等奏。去年新定科場條例內。有填寫添註塗改字數一條。此次查收頭場試卷。填寫多不合式。應貼者幾及過半等語。科場條例填寫添註塗改字數。原以防謄錄對讀。代改文字之弊。上年經大學士九卿等議定。後即以頒行直省。今歲鄉試屆期。該監臨等又復預行曉諭。各士子自無不周知。入場時理應恪遵新例。照式填寫。乃錯誤者紛紛。幾及過半。本應概予貼出。姑念定例之初。或遠鄉僻壤士子。未能遍行知悉。又或因風簷寸晷。精神恍惚。以致錯誤。此等寒畯。祇以未諳新例。尚無大弊。且應貼之卷。未免過多。此次別項違式試卷。仍照例貼出。外所有添

註塗改填寫錯誤之卷著加恩免其貼出仍准發牘
此係朕軫念士子格外從寬若明歲會試及下屆鄉
場則此例頒行已久倘仍有似此錯誤者必當按例
概行貼出不能再爲寬免也將此通諭知之欽此

欽定科場條例卷三十八

外簾所官

彌封所

現行事例

一試卷由受卷所送至彌封所。該所官信手戳印紅號。勿經人役之手。不許閑人窺看。墨卷號必與硃卷號相對。頭場必與二三場相對。卷號必與簿號相對。監生生員必須分別。至各役彌封時。須專心閱視。毋使竊去以致割換。見有折

角針眼及紙條夾入試卷等弊。隨時留心稽察。如有違犯。將該所官吏嚴叅究治。封盈一箱。本所官親送堂上。仍約謄錄所官眼同交收。不許入役近身私語。號簿封送監臨知貢舉。若該所官遺漏條記。及誤用應編字號。錯印前後場卷號。以及用印模糊。號印重印者。彌封所官均罰俸三個月。

一鄉會試硃卷字號。提調官將千字文內。如亞聖孟子名及數目字。並荒弔等不佳字樣。俱行

揀去每科令提調官另刻新印。其模糊舊印概行銷燬。

一截印紅號。知貢舉監臨將千字文字號次序先行攪亂。臨時酌用若干字。每字編列一百號。不拘前後。挑取截印。以杜內外簾預先開會之弊。

一會試按直隸各省及滿洲蒙古漢軍分編字號印明卷面。

一順天鄉試。順天直隸生員編爲貝字號。滿洲

蒙古生監編爲滿字號。漢軍編爲合字號。奉天

生員編爲夾字號。承德編爲承字號。長蘆商籍

編爲鹵字號。不足五十卷不雜取中亦毋庸攤入民卷。順天直隸奉

天山東山西河南陝西甘肅貢監生編爲北

字號。江蘇安徽浙江江西湖南湖北福建貢監

生編爲南皿字號。雲南貴州四川廣東廣西貢

監生足二十卷編爲中皿字號。如不足二十卷

仍附入南皿。無庸另編中皿字號。官生滿洲蒙

古漢軍足十卷。於滿合字號下編寫官字號。直

隸足二十卷於貝字號下。編寫官字號。南北貢
監足十五卷。於皿字號下。編寫官字號。奉天夾
字號。承德承字號。長蘆鹵字號。生員。應編官卷
者。編入貝字號官卷內。其各該官卷。或不足二
十名。十五名。十名。定數。毋庸另編官卷。候補候
選官員。未經得缺。以及各省小京官。欽天監現
任天文生之監生生員。在館効力之貢監生。均
按照省分。歸入皿字號。

一各省鄉試入場官生。江南浙江江西湖南湖

北福建足二十名。准編爲官卷。山東山西河南廣東陝西四川足十五名。准編爲官卷。陝西丁聿字號官卷。不必編入丁聿字號。歸入通省官卷。廣西雲南貴州足十卷。准編爲官卷。各省名數不足。均毋庸另編官字號。

一各省商籍。山東廣東商籍應試。均另編鹵字號。如應試人數不敷。不准取中。亦毋庸攤入民卷。

一山東鄉試。孔顏曾孟四氏子弟試卷。另編耳

字號

一江南鄉試分編上下江字號。

一湖南鳳凰乾州永綏三廳保靖一縣苗疆應試士子至三十名以上者編爲邊字號。若不及三十名毋庸另編字號。又該三廳一縣之應試苗生至十五名以上者編爲田字號。若不及十五名毋庸另編字號。

一陝西鄉試甘州西寧一科另編聿左號。一科與通省士子合試。肅州安西烏魯木齊等處每

科編爲聿右號鎮西迪化。每科編爲聿中號。其
榆林神木各學。一科另編木字號。一科與通省
士子合試。寧夏一科另編丁字號。一科與通省
士子合試。聿中號嘉慶二十三年議
准詳載各省鄉試定額門。

一福建臺灣閩籍另編至字號。粵籍另編田字
號。田字號道光八年議准。
詳載各省鄉試定額門。

一四川寧遠一府應試士子。至三十名以上者。
編爲丁字號。若不及二十名。毋庸另編字號。
例案

順治初年定。外簾四所官俱要精明強幹。彌封官關係尤重。當量才授任。

順治二年題准。各省紅號。順天直隸生員貝字

號。監生皿字號。宣化旦字號。

嘉慶七年議准。旦字歸人員字號。

遼學奉天府學夾字號。

遼學久已裁汰。

陝西寧夏丁字

號。甘肅聿字號。

又定。各省貢監生。願就本省鄉試者。與生員一

體編號。不得另分皿字。若直隸監生內有赴鄉

試者。通編皿字號。

順治十四年題准。孔顏曾孟四氏子弟試卷。仍同編耳字號。

順治十五年題准。彌封一所。硃墨卷面字號。俱從此印。弊竇最多。切宜重加防範。號簿封送監臨。人役嚴取互結。該所官親自印號。勿經人役之手。卷到各官。分生員監生。信手掣籤用印。不許閑人窺看。墨卷號必與硃卷號相對。頭場卷必與二三場相對。卷號必與號簿相對。監生生員。必須分別。毋得相混。至於各役彌封時。須專

心閱視毋使竊去以致割換見有折角針眼等弊登時究治封盈一箱本所官親送堂上仍約謄錄所官眼同交收不許兩所人役近身私語康熙七年題准彌封所不於試卷上用條記移送謄錄所者經管彌封所官罰俸三個月

一題准前場卷錯印後場卷號後場卷錯印前場卷號者經管官罰俸三個月經管用印官將號印重印者罰俸三個月其用印模糊者罰俸三個月其經管木號印官將木號印重送及移

送木號印字模糊者。罰俸三個月。

康熙八年題准。八旗鄉試。滿洲蒙古編滿字號。
漢軍編合字號。

康熙三十九年議准。官卷鄉試。於各卷面上。滿
洲蒙古漢軍滿字合字直隸皿字貝字號之下。
編寫官字字號。各項貢監。由監鄉試者。國子監
收錄。照例分別官民卷。歸本省鄉試者。與生員
一體分別官民卷。其各省鄉試。官員子弟數少
者。不必另編官字號。

康熙四十一年覆准山西鄉試大同府另號取中。今大同府人文勝前著一體編號取中。

康熙五十一年覆准陝西甘肅寧夏文武大臣子弟不必編入丁聿字號。彙入通省文武大臣子弟內同編官卷。

又議准嗣後會試不預定額數亦不必編南北官民等字號。惟按直隸各省及滿洲蒙古漢軍分編字號印明卷面。

康熙五十六年覆准鄉會試硃卷面上所官各

載專管官一員職名戳記以便磨勘。

康熙六十年定長蘆商籍生員鄉試另編鹵字號。

康熙六十一年覆准廣東商籍應照直隸商籍之例另編鹵字號。

雍正元年覆准候補天文生及補用天文生之監生生員入皿字號鄉試。

又覆准鄉會試硃卷字號提調官將千字文內不佳字樣如荒弔伐罪毀傷悲虛禍惡竭盡終

時^止顛虧疲逐卽驚墳弱傾困滅弊刑翦香冥
黜譏極殆辱恥逼系寂寥散累遣威凋委落宰
饑厭故祭祀顛悚懼恐惶駭垢駭誅斬賊盜捕
叛亡魄孤陋寡愚誚等字俱行揀去又四五六
九數目字樣與號數重複亦應揀去又亞聖孟
子名應迴避

雍正七年覆准臺灣五學應試士子另編臺字

號。後改爲
至字號。

雍正八年議准陝西榆林神木府谷吳堡靖邊

金匱要略卷三十一
安塞保安七處應照甘肅寧夏之例另編木字號。

雍正十一年議准。關中硃卷彌封之後。例用三不全字號。印於卷面。字畫不全。每難辨別。往往有彼此混淆者。嗣後紅號仍用完全字樣。每科令提調官另刻新印記。其模糊舊印及不全字號。概行燒燬。

雍正十三年議准。貴州鄉試應入官卷者。照例一體另編官字號。

又覆准。宣化府屬另編旦字號。取中向未分明。官民字樣。應將宣化府屬旦字號官卷併入直隸貝字號官號內。旦字號現統歸入貝字號天津府屬之商竈籍生員。另編鹵字號。取中。其中或有官卷。亦應照宣化府例。將鹵字號官卷併入直隸貝字官卷內。

乾隆元年議准。順天鄉試。將奉天直隸山東河

南山西陝西編北皿字號。江南浙江江西湖廣

福建廣東編南皿字號。廣東於乾隆六年改入中皿雲南四

川貴州廣西四省另編中皿字號十五名取中

一名如人數不及十五名仍附入南皿無庸另

編中皿字號

乾隆九年議准中皿二十卷取中一名近科俱係另編字號

又議准江南分上下江字號

乾隆三年覆准四川寧遠一府如應試士子至

三十名以上者准其另編字號

現因從前所編之字係御

名偏旁敬避改編丁字號

若不及三十名之數仍照常取中

毋庸另編字號

乾隆六年議准廣西之居宣者較多於前援照

雍正十三年貴州另立官號取中之例廣西一體設立也

又議准御史周祖榮條奏順天鄉試廣東一省獨歸南皿與會試互異嗣後順天鄉試將廣東應試之貢監編入中皿字號

乾隆十三年覆准陝西榆林神木各學木字號鄉試士子准其一科歸合省大號考試一科仍列木字號

乾隆十六年議准滿洲蒙古漢軍官卷不及十

人卽不准另編官卷應仍照原額取中。均毋庸
更爲量議。惟順天南皿江南浙江江西福建等
省或舊額本多。或官生人衆。請照新定之數量
爲額。究所有官生。雖設定額總在主司憑文去
取。任缺毋濫。其不及十卷者。仍無庸設立官字
號。各省官生中額詳乾隆
二十三年議定例內。再文員內吏禮二部
司員已不列官卷。其八旗武職應自副都統以
上。立官卷。其衆領及世職二品等官。均不應

乾隆十八年議准。直隸之商。竈籍鄉試。准其統
入北貝。一體憑文取中。毋庸另編鹵字號。乾隆
四十年
三年。覆准嗣後。直隸真商子弟應試。仍編
鹵字號。竈籍竈戶等。照舊歸入北貝字號。

乾隆二十三年。定直隸江南浙江江西湖廣福
建等六大省。均以入場官生。每二十名取中一
名。山東山西河南廣東陝西四川等六中省。均
以十五名取中一名。廣西雲南貴州等三小省。
均以十名取中一名。南北貢監官卷。照中省以
十五名取中一名。其各該官卷。或有不足二十

名十五名十名定數者。應遵從前不及十卷。不編官號之例。無庸另編官卷。

乾隆二十七年。咨准查定例。宣化府屬旦字號。官卷歸入直隸貝字官號取中。奉天夾字號。向未編有官卷。今既稱原任檢討陸儀之子。生員陸象嶼。應編入官卷等語。應照宣化府屬官號之例辦理。

乾隆二十八年。奏准查舊例。彌封所不於試卷上用條記。移送謄錄所者。經管彌封所官罰俸。

三個月。其應試試卷各有應編字號。彌封所官。將卷面籍貫不行詳查。錯印者。罰俸六個月等語。查失印條記。議止罰俸三個月。亦不爲重。其錯印應編字號。亦係無心疎忽。應改照疎忽例。罰俸三個月。

乾隆三十年。議覆御史蘇爾訥條奏。彌封所書吏。倘有紙條夾入試卷。及試卷折角等弊。隨時留心稽察。如有違犯。將該所官吏嚴叅究治。乾隆三十六年。議覆護陝西巡撫勒爾謹奏稱。

安西烏魯木齊等處並涼州等府就試士子應編字號請量爲變通等語查安西及烏魯木齊等處於鄉試之年赴省觀光其程途遙遠計四千餘里或將及萬里不等而應編字號未經酌定邊遠士子未免向隅至涼州一府應編入聿左字號至今應試者數倍他鄉而成例相沿仍與西寧共一名之額於鼓舞人才之道亦有未協應如該撫所請嗣後陝西鄉試涼州一府歸入通省卷內毋庸另編字號甘州西寧編爲聿

州安西烏魯木齊等處。每科右號每
科各取中一名。其一科於通省卷內。公同選出。
其左號分中之例。並行停止。

乾隆三十八年覆准。陝西學政楊嗣曾條奏。查
甘肅寧夏府鄉試。於順治二年題准。設立丁字
號。每科額中二名。茲據該學政奏稱。該府人文
頗勝。他屬請照乾隆十四年議准。涼州聿字號
事例。以一科歸入大號。與通省公同比試。一科
仍列丁字號。取中二名。行見數科以後。人文蔚

其日可與涼州一例統歸大號等語。應如所請。
臨寧夏鄉試。准其一科與通省合試。憑文錄
取。毋庸另編字號。一科仍列丁字號。照舊額取
中。俟將來文風益盛。再行題請統歸大號。於該
省中式名額。並無加增。而鼓勵邊陲士子。較有
裨益。

乾隆四十三年覆准。嗣後直隸真商子弟應試。
仍編鹵字號。五十名取中一名。卽人數多至數
百名。不得過二名之額。不及五十名。不准取中。

可不...人...有...者...
收歸其本籍商人子弟悉歸本地應試以杜...
混注籍籍戶等住居已久與土著無異本無...
原籍可歸應仍照舊歸入北貝字號一體應...
乾隆四十四年奉

上諭...現在庠生已有五十餘人均應與順天...
雖...西科曾經中式一人但邊外士子樸魯者多...
尚不能與通省貝字號卷較藝獲售者加恩照宣化...
府之例另編承字號欽此

諭旨全載
鄉試中額例案內

又議浙江商籍各生係附入杭州府仁和錢
塘二縣即與民籍生員無異應仍照舊例俱令
取人三卷憑文取中不必另編函字號

臣等謹查公阿桂等議准御史孟生惠條奏查
該部紅號彌封分送內簾辦理掣肘且易滋
弊換書面之弊應如該御史所奏將彌封紅號
停止仍照舊例辦理並請責成監試提調官嚴
密稽查嗣後鄉會試戳印紅號務令本所官員
親自用印不得假手胥吏致滋弊端違者照例

恭處

乾隆五十二年大學士九卿奏准試卷至頭場所截印紅號向來用千字文依次編列送入內簾但行之既久保無內外簾預先開會指定是卷截印某字號是姓名雖已彌封而號印仍舊辨認且文內無須暗藏關節其弊尤難剔除若竟將紅號舊例停止則頭二三場之卷不能彙併內簾閱卷必至頭緒不清礙難辦理嗣後應令知貢舉監臨將千字文截印次序先行攤亂

臨時酌用若干字。每字編列一百號。合計通場
二卷所用紅號字數多者不過百餘字。少者僅
三數十字。於千字文內不拘前後。挑取戳印。庶
無從預先照會。彌封益爲愼密。
乾隆十八年。大學士公阿桂等奏准。遵

旨。查江蘇安徽省分。皆係彌封。內策無從分
別。此次立可照舊辦理。應請俟下科會試。令禮
部於繕寫卷面時。照省分分別填註。

嘉慶十三年議准嗣後湖南鳳凰乾州永綏三
縣並永順府屬之保靖一縣應試士子數至三
十名以上者另編爲邊字號於本省額內取中
一名如不及三十名仍歸通省取中毋庸另編
字號至鳳凰乾州永綏保靖四廳縣苗生應試
人數在十五名以上者另編爲田字號額外取
中一名如不足十五名仍附通省取中毋庸另
編字號卽將來應試人多亦不得於額外加取

以示限制。

詳載各省鄉
試定額門

嘉慶二十三年定陝西鄉試鎮西府迪化州所屬鄉試士子另編聿中字號於陝甘兩省取中六十一名之外增額一名其甘州西寧二府卽照寧夏榆林丁字木字號之例一科與通省士子合試一科另編聿左字號照舊取中。

嘉慶二十五年准至公堂移稱總裁盧蔭溥等奏本年會試試卷內河南昆字四十號二場默寫頭場首篇起講與原卷全不相符顯係紅號錯誤應奏明更正所承辦錯誤之員應查取

職名照例議處。

道光二年奉

旨長旺等奏順天鄉試彌封官主事陳震東於編列紅號時將同名同旗之官卷彼此互編請將該員交議等語戶部主事陳震東著交部議處欽此。

道光五年四川總督戴三錫奏本科文闡鄉試揭曉拆號填榜拆至取中第十一名用字九十九號之富順縣附生雷起元第三場墨卷與未經中式之用字一百號簡州增生黎慶熙第三

場墨卷紅號交互錯印。以致硃卷兩相舛誤。當經正副考官校閱雷起元第三場策對文理字蹟。與第一二場試卷相符。又查明黎慶熙第一二場硃卷本未呈薦。所錯文卷。卽時更正。仍將雷起元取中填榜。隨究明彌封官委無別情。將書吏責革。開取彌封官職名咨部議處。

道光八年議准。臺灣粵籍生員。准其於閩籍中額三名之外。另編田字號。加設粵籍中額一名。道光十七年奉

上諭。前因鄉會試試卷煩多彌封官四員。果否足敷辦理。並如何責成。知貢舉監臨等稽查酌定處分之處。降旨令軍機大臣會同該部議奏。茲據奏稱。科場定例。本極周詳。彌封一所。關係甚重。祇在經理之得宜。不在人數之增設。至知貢舉監臨總理場務。例有稽查之責。向無處分。卽該所官處分亦輕。請從重定議等語。嗣後鄉會試仍照例用彌封官四員。卽責成知貢舉監臨。擇其年力富強。精明幹練者。先行派定。彌封。毋許與各所官掣籤。以昭慎重。並著知貢舉監臨。

隨時稽查。務令遵照定例。親自印號。不准假手書吏。其有漏印條記。用印模糊。核與弊竇無關者。仍著照舊辦理。至錯印紅號。有關士子中式者。每卷該所官照遺漏舛錯例。罰俸一年。知貢舉監臨失於查察。照疎忽例。罰俸三個月。三卷以上。該所官降一級留任。知貢舉監臨罰俸九個月。如查有情弊。立即嚴叅。倘知貢舉監臨不行叅處。別經舉發。除該所官照例究治外。知貢舉監臨。照徇情例。降二級調用。以上各處分俱不准其抵銷。其外簾受卷。謄錄對讀。收掌各所

官著一併責成知貢舉監臨認真稽查以歸畫一並著禮部纂入科場條例永遠遵行欽此

道光二十年知貢舉奏浙江和字三十號第二場墨卷彌封處真草裂斷當經對讀官工部七品小京官林鳳官同明公同閱看令其將裂斷之卷具文呈堂再傳彌封官公同拆對黏連原卷蓋用關防乃該對讀官逕至彌封所口稱知貢舉等令將彌封拆對既拆封後始行回堂查該員於真草裂斷時既經呈明於先拆封後復

行同堂詳查情節。尙無弊竇。惟不具文呈堂。公同拆對。實屬錯誤。至彌封所官工部候補主事武蔚文。並不查問明確。同堂辦理。遽信一面之詞。率行拆封。亦有不合。應請

旨交部分別議處。奉

旨對讀官工部七品小京官林鳳官。彌封官工部候補主事武蔚文。著交部分別議處。欽此。

附載舊例

康熙七年題准。試卷各有應編字號。彌封官將卷面籍貫。不行詳查。印者。罰俸六個月。收卷

官以書經誤收詩經卷內。交送彌封所。彌封所官又不詳查。錯印詩經字號。送內簾者。彌封所官罰俸三個月。如自行檢舉改正者。免議。康熙三十六年題准。臺灣額外取中舉人一名。今歷四科。嗣後撤去另號。歸福建額內一體取中。

雍正十一年。議覆山東道監察御史李學裕奏稱。會試硃卷某省字樣。俱係明列卷面。倘有暗查關節。知爲某省某經。適以易便其私等語。應如所請。嗣後令彌封官各照所受本經。將各省卷數照常編立密號。墨卷硃卷。俱不必再用各省紅號。仍將密號總數。謄寫一本。內附某號共幾十幾字。係某省。於二月十二日。密呈至公堂。面同內場監試。封交主考官。正副主考官。將迴避房官。與各省字號。密行查對。派分字號。交內收掌照。依分派簾官字號。查卷送閱。如易經五房一千三百卷。應用一百三十字。作密號。每房應分二十六號。有經無省字號繁多。自難測爲

某省某人之卷。秉公較閱矣。推之各經皆然。如所薦之數。有不足額。於備卷內拔取。毋得缺額。以致偏枯小省。其五經卷面。亦照專經削南北中字號。入於密封冊內。俱遵

欽定數目中式。

倘主考官將密號總簿。不嚴謹收檢。或致家人書吏走漏消息。於同考官者。查出從重議處。

乾隆元年。議准會試迴避子弟考試。交卷彌封之後。另編字號。滿洲蒙古漢軍卷面上。俱列旗字。其餘省分。照鄉試之例。於卷面上。分別南北字樣。

又議准御史武柱等條奏。查順天鄉試。因彙集天下羣才。故別各項字號。以均中額。其中入簾官員子弟。迴避試卷。雖屬無多。而滿合南北之人。皆有。則憑文取士之中。亦應寓因地掄才之意。惟是既分南北滿合。而又列官字。誠恐臨時易於揣摩。應如該御史所請。刪去官字。以示至公。其滿合南北字樣。仍應照舊例開載。再會試

原無官字。其迴避卷面旗字及南北字樣亦應照例開載。

乾隆二年題准。經頭坐簿。惟卷併彌封書手。必須應科承辦之人。方不致有貽誤。應准伊等報明該衙門驗准。卽冊發司坊官取俱保結。併連名互結。屆期押送入場。

乾隆二十八年奏定。錯印經書以致誤送內籙。實屬疎忽。原議罰俸三個月。毋庸議減。

乾隆四十年議准。將經頭名目。永行革除。

乾隆四十四年奏准。四庫全書處。謄錄內有前由寄籍順天入學。旋經遵例改歸各省原籍。並有由。

召試二

等在館行走各生。以在館謄錄。不能回籍應試。俱呈請就近在順天鄉試。各取具同鄉京官印結前來。可否准其按照省分。歸於南北中皿字號。應順天鄉試等因。奉

旨著准

其歸入皿字號。應順天鄉試。欽此。

乾隆四十七年。議覆御史梁景陽奏。稱嗣後鄉

會試硃卷卷面應編各字號俱仍照舊編印惟將頭場硃卷卷面印號登簿後照墨卷之例一體彌封連本生彌封墨卷合鈐彌封所戳記分發臚錄等語查硃卷紅號定例責令彌封所官親手用印不許閑人窺看惟是奉行日久誠恐假手胥吏致有開通洩漏情事且每卷紅號各有不同倘就此預揣某人試卷未免易於認識應如該御史所奏酌定彌封紅號之法所有頭場硃卷紅號印於卷面左邊另爲一行以免牽混臚錄所將此卷臚寫經對讀所詳對後交至公堂督同彌封所官將紅號彌封送進內簾嘉慶年定各省駐防本省鄉試編列旗字號嘉慶十八年議准各省駐防生監於本省鄉試編列旗字號另額取中學政錄送十名准取中一名其零數過半者亦准其照官卷例再取中一名將來人數增多總不得過三名以示限制

附載駁案

康熙二十九年議覆工科給事中何楷奏稱直隸監生必須順天鄉試者應令同原籍生員一體編號等語查直隸生員額中舉人六十三名監生額中舉人四十三名各有定額不便將直隸監生同生員一體編號應毋庸議

乾隆二十七年議覆順天府尹羅源漢奏稱舊例凡彌封墨卷封盈一箱本所官親送至堂上仍約同騰錄所官眼同交收不許兩所人役近身私語所以杜暗通名字之弊也訪聞若輩勾通詭計百出並不必兩人近身私語但用片紙詳開某人係某字號夾入卷箱文內交過騰錄取卷見單便知某字號係某人文字小則書分工草大則代爲改竄諸弊由此應請嗣後彌封卷箱交送堂上時令內場監試御史留心抽驗如有片紙隻字開寫名號者查出嚴加重懲庶暗通之弊可杜等語查歷來辦理鄉會試於試卷彌封後該所官約同騰錄官上堂公同開箱點驗監試及提調官監視逐卷查看眼同交收

一以防遺失墨卷。一以防夾帶字蹟。周詳慎重。兩所人役。何能更以片紙隻字混入卷箱。是該府尹所奏。卷箱責令監試御史抽驗之處。較之現在逐卷點查。反爲疎漏。毋庸更議。

嘉慶二十年。議覆御史胡承珙條陳科場弊竇。一摺。內稱科場硃墨卷戳印紅號。令各督撫派委提調監試道府大員。督同彌封所官。隨手挑取字號。令其親身戳印。逐卷查看。如有夾入紙籤及針眼折角。暗通消息者。立即究辦等語。查例載。戳印紅號。知貢舉監臨。將千字文號次先行攪亂。不拘前後。挑取戳印。以杜內外簾預先開會之弊。並責成監試提調官。嚴密稽查。務令本所官員。親自印用。不得假手胥吏。試卷內如有折角針眼。紙條夾入等弊。將該所官吏嚴叅究治。至封盈一箱。本所官親送堂上。仍約謄錄所官。眼同交收。不許人役近身私語。號簿封送。監臨是紅號戳印。原係責成提調監試等官。重加防範。定例本屬森嚴。該御史所奏。應毋庸議。

咸豐元年議覆御史張廷瑞奏稱會試彌封向係按府分次第投卷先後編列字號每字以一百號爲度奇零者另編一號倘不肖吏役將字號偷漏則自一至百皆知爲某府某人之卷於防弊之道未盡請嗣後會試彌封不宜按府分次序當以人數較多之府州將人數較少之府州通配勻編從第一號起間府打戳周而復始至直隸鄉試向分四處彌封卽就四處所分之府州均勻編列間用字號亦不拘一百之數如此辦理似於防弊較爲周詳等語查彌封定例本極周詳祇在知貢舉監臨與該所官關防嚴密內簾何由懸揣其某號爲某府某人之卷且千字文字號係一千字卽除去例不應用字樣尙有九百餘字而各省試卷多者不過萬本每字用一百號所用不過一百字於九百餘字中隨手挑用一百字旣無文法又不拘先後彌封本無成心內簾從何懸揣如云不肖吏役偷漏字號則是關防不密致滋弊端並非创意有未

善也。若如該御史所奏。按各府州均勻編列。間用字號。則彌封所官。十一日申酉之間。受卷所方能送至彌封。十二日申酉之間。卽應彌封完竣。送至臚錄。其間祇一晝夜之力。不下萬卷。先彌封。後戳號。已覺時無餘暇。若驟易新章。誠恐猝不及辦。萬一因忙致舛。有闕士子中式。其弊非淺。且二三場必與頭場相對。若各府間用字號。二三場覈對之時。尤易舛錯。科場之事。祇在關防嚴密。不在多立科條。所奏應毋庸議。